


Investigacion

— Capitulo 7 —

Circulo social prome cu 18 año*Skirbi pa: mr. dr. Alida 'Lily' Marval*

Comparasion di tipo di Violencia Domestico cu IPV y sin IPV: experiencia pa tur core-spondiente prome cu 18 año ta 53.3% (liña preto) y pa e grupo di respondientenan cu a experiencia IPV prome cu 18 año e prevalencia ta 63.2% (liña shinishi). Kier men cu e percentage ta mas halto den e grupo di IPV.


Situacion doloroso y no-placentero na cas of den circulo social prome cu 18 año di edad, cu of sin IPV

**Asociacion entre Violencia experimenta prome cu 18 año y IPV:**

Pa por constata cu tin un asociacion significante entre e respondientenan cu a experiencia IPV y abuso prome cu 18 año, a uza un Pearson chi-square test pa wak si e asociacion ta significante usando $p < 0.05$ = menos cu $p < 0.05$. E chi-square test ta muestra Pearson chi-square, di 38.071 cu $p = 0.000$.

Esey kier men cu tin un asociacion significante entre respondientenan cu a experiencia IPV y abuso prome cu 18 año. Di e manera aki enfatisando e teoria cu victimanan di violencia domestico prome cu bira adulto, hopi biaha tambe ta bira victima ora nan ta bira adulto.

Resultado abuso emocional prome cu 18 año y IPV

**Resultado di abuso Emocional prome cu 18 año y IPV:**

E numernan menciona ta representa esnan cu tambe ta menciona cu nan a experiencia IPV. Un total di 454 (36.41%) a menciona di a experiencia abuso emocional. Como 204 di e respondientenan a menciona di a experiencia esaki prome cu 18 año di edad cua ta 44.93%.

Di e 204 respondientenan 77 cua ta 16.96% a menciona cu esaki tabata 1 solo experiencia di abuso emocional. Aki 50 respondiente (cu ta 11.01%) a reporta di a experiencia 2 forma di abuso emocional.

Tambe 42 respondiente (cu ta 9.25%) a menciona di experiencia 3 forma di abuso. Como 24 (5.29%) a menciona di experiencia 4 forma di abuso emocional y 11 cua ta (2.42%) respondiente a menciona di a experiencia 5 forma di abuso emocional.

(Parti di Capitulo 7 ta sigui mañan).




Investigacion

— Capitulo 7 —

Circulo social prome cu 18 aña*Skirbi pa: mr. dr. Alida 'Lily' Marval*


(Continuacion di Diahuebs)

**Resultado abuso fisico
prome cu 18 aña y IPV****Victimanan prome cu 18 aña cu abuso Fisico di IPV:**

E number di respondiente ta e respondientenan cu tambe a menciona di a ricibi abuso Fisico. Un total di 553 respondiente a menciona di a experiencia abuso fisico.

Como 193 di e respondientenan aki a reporta di a ricibi abuso fisico prome cu 18 aña di edad. Tin 68 respondiente (12.29%) a raporta di a experiencia un forma di abuso fisico. Tin 65 persona (11.75%) a raporta di a experiencia 2 forma di abuso fisico. Tin 42 respondiente (7.59%) a raporta 3 forma di abuso fisico.

Tambe 15 respondiente (2.72%) a experiencia 4 forma di abuso fisico. Tin 4 respondiente (0.72%) a raporta 5 forma di abuso fisico y 2 persona (0.36%) a experiencia 6 forma di abuso fisico.

**Resultado abuso sexual
prome cu 18 aña y IPV****Victimanan cu a experiencia 1 te 6 diferente formanan di abuso Sexual:**

Como 108 (38.16%) di 283 respondientenan a reporta di a experiencia abuso sexual prome cu 18 aña. Tambe 38 (13.42%) di e respondientenan aki a experiencia un forma di abuso sexual. Tin 17 persona (6.01%) a reporta 2 forma di abuso sexual prome cu 18 aña. Tin 20 respondiente (7.07%) a experiencia 4 forma di abuso sexual. Tambe tin 9 (3.18%) respondiente a experiencia 5 forma di abuso sexual y 5 persona (1.77%) a experiencia 6 forma di abuso sexual.

Conclusion:

En total 404 participante a reporta cu nan a experiencia por lo menos 1 forma di abuso sexual prome cu 18 aña di edad. Esey kier men cu e prevalencia di Violencia Domestico prome cu 18 aña ta $404/758 \times 100 = 53.30\%$. Esey kier men cu mas cu e mitar di e respondientenan a sufri por lo menos un bes, un forma di violencia domestico prome cu 18 aña. Esey ta 1 di cada 2 persona.

En total 1.709 hokjes a ser marca. Den otro palabra: $1709/404 = 4.28$. Kier men cu cada respondiente cu a contesta e preguntanan aki a experiencia por lo menos 4 forma di abuso prome cu bira 18 aña di edad.

